

ՈՌԻՍԱՍՏԱՆ ՊԱՏՐԱՍ Է ՕԳՆԵԼՈՒ ԱՐՑԱԽԻ ՀԱՐՑԻ ԼՈՒԾՈՒՄԻՆ

Ադրբեջանի նախագահ Շեյխար Ալիեւին ուղարկուած պատգամով, Ռուսմաստանի Դաշնութեան նախագահ Պորիս Ելցինը յայտնել է, որ Մոսկուան պատրաստ է նպաստել Հայաստան-Ադրբեջան հակամարտութեան լուծմանը:

Ելցինը իր պատգամում յայտնել է նաեւ, որ պատրաստ է հանդիպում կազմակերպել Շ.Շ. նախագահ Ռոբերտ Զոչարեանի եւ Ադրբեջանի նախագահ Շեյխար Ալիեւի միջեւ: Նա շեշտել է մնայուն խաղաղութեան եւ կայունութեան կարեւորութիւնը Կովկասում, որը համընկնում է Ռուսաստանի շահերին եւ նրա նախապատուութիւններից է: Ելցինը շեշտել է նաեւ, որ թիկունք է կանգնում բանակցութիւնների վերսկսմանը՝ Ե.Ա.Շ.Կ.ի Մինսկի խմբի շրջանակներում: Միաժամանակ նա կարեւորել է Հայաստանի եւ Ադրբեջանի ղեկավարների միջեւ երկխօսութիւնը եւ կոչ է արել այն մնայուն երեւոյթի վերածել:

Ադրբեջանական «Թուրան» գործակալութեան համաձայն, Ելցինը իր պատգամում յայտնել է նաեւ, թէ Մոսկուան չի պնդում, որ Բաքուն ընդունի «Միացեալ պետութեան» գաղափարը՝ Ղարաբաղեան Հարցի լուծման կապակցութեամբ: Նոյն աղբիւրի համաձայն, Բաքուն դրական է գնահատել Ելցինի այս մտտեցումը:

«Իթար-Թասս»